

第一四七冊

方輿彙編

職方典

漳州府部

福寧州部

臺灣府部

湖廣總部

(卷)

一〇四—一〇六

一〇七—一〇八

一〇九—一一〇

一一一—一一四

古今圖書集成

中華書局影印

欽定古今圖書集成方輿彙編職方典

第一千一百四卷目錄

漳州府部彙考十

漳州府物產考

職方典第一千一百四卷

漳州府部彙考十

漳州府物產考

府總

府志

穀屬

杭稻

黍

菽

帛屬

天鵝絨 本出倭國今漳人以絨織之置鐵線

其中織成割出機製雲蒸殆奪天巧

士潞綢 漳織者迫眞潞州產驟按之不甚可

辨但差薄耳

紗 漳紗舊爲海內所推今俱學吳中機杼織

成者工巧足復相當

綺羅 劉熙釋名曰羅文羅疏也魏志大夫以

上得服羅綺以下雜絳之服通於賤人今無別

矣漳製亦學步吳中第不如紗爲精

光素縠 出漳州者佳

絹 劉熙釋名曰絹絕也其絲厚而疏後魏書

曰八月清風戒寒趣絹練帛漳絹與他處不同

亦有最佳者

絲布 按宋志謂土人績白苧絲爲細布

吉貝布 南史海南諸國傳曰林邑出吉貝其

華成時如鵝毛抽其緒紡之作布史昭曰熟時

其皮如裂其中綻出如綿土人以鐵鋌碾去其

核木竹爲弓牽絃以彈令其勻細卷爲筒就車

紡之自然抽緒如絲絲狀織以爲布

苧布 周禮掌枲掌布總機紵苧即苧麻也以

灰水漚之其色更白治以爲布郭璞贊曰草皮

之良莫貴於麻用無不吉服無不嘉至物在邇

求之好遐

麻布 有黃麻有青麻詩麻衣如雪子夏喪服

傳曰其經者麻之有黃者也牡麻者枲麻也

葛布 周禮曰掌葛以時徵絺絺之材詩葛覃

是刈是漚爲絺爲絺漢書江都王遣通越閭遺

建荃葛註荃字作詮葛細布也漳產以長泰南

靖爲佳

蕉布 稽咸南方草木狀曰其莖解散如絲以

灰練之可紡績爲絺絺謂之蕉葛

假羅布 以綿絲間苧絲織成之視之如羅

器屬

轎 制木爲幹編竹絲作鳥獸花草之紋在阿

堵中鏤骨作花飾之精巧輕便前有門可閉如

堂室徵寒時以避烟雨旁有櫺門開如翼張薄

暑時以通涼感又如式可以俯憑如牀可以仰

臥小輪以竹爲之不能施雕飾亦復妍雅

牙刻 案牙今部不復有俱賈賈市米者淨人

刻爲牙地人之屬以供近玩耳目收營信人也

備極淫巧又有牙箸牙杯牙帶牙扇

銅器 在漳漳銅礦佛銅仙之屬爐錘頗工

不在泉銅蘇銅等

錫器 舊志出漳浦者最精他處鮮有

枕 古者用木作枕今以細竹絲編成漆之精

妙可觀出龍巖者最佳又有扶手以皮覆蓋旅

人用以收拾置輿中夜置牀上可作枕

描金漆杯 亦竹絲編成者又有茶盤雖精雅

不迨吳中然却耐用

細篋器 出漳浦盤陀者最佳

磁器 出南勝寄者殊勝他邑然亦不甚工巧

紗燈 許慎說文曰錠謂之燈漳人近以篋絲

爲質甚細覆五色薄紗其上小品有致他郡皆

重之

展 展舊以潮州爲佳近漳人差效其製阮公

見之故當增其展癖

席 出馬坪爲佳

茶爐 出馬坪以白土爲之其色如施粉風口

刻花工緻異常前此未有也

貨屬

銀 通志銀坑在漳浦龍巖二縣嘉靖間龍巖

開礦以礦卒殺人而止萬曆遺中使於龍巖長

泰二縣開採得不償失旋復議罷

銅 舊志龍巖有之

鐵 有生鐵有熟鐵有銅鐵宋志云出龍溪漳浦二縣按史記有以鐵冶貨累巨萬者今出龍巖漳平寧洋然爲生甚微

鉛 通志稱龍巖有鉛錫場未時廢

水晶 舊出漳浦之梁山近多貨自粵東漳浦第有其名而已

琉璃 漢書武帝使人入海市琉璃南州異物志曰琉璃本質是石欲作器以自然灰治之華夷考曰彩澤光潤踰於衆玉俗所用皆銷石汁以衆藥爲之脆虛不真非其物也今漳所製亦然

五緣石 亦用藥製成者琢作鎮紙體具三稜著眼下向有物處照之目境所遇瓦礫草石盡成五色

假山石 出海上漳人池館取以疊作假山邇時爲盛又有自龍巖出者別是一種置盆中能引水上行自生緣苔可種花卉其上

鹽 周禮鹽人掌鹽之政令以供百事之鹽按張融海賦曰流沙構白熬波出素此煎鹽也漢書牢盆煮鹽用鐵爲之今閩鹽惟用曬法其價甚平

蜜 散似甘露凝如割肪冰鮮玉潤體滑蘭香窮味之美極甜之長爾雅翼稱所在有黃連蜜梨花蜜檜花蜜何首烏蜜今漳人畜者以採荔枝龍眼花爲佳故二花甫過即須割蜜遲則雜以他花矣

糖 一名石蜜唐太宗遣使至摩陀國取熬糖法詔上諸蔗榨瀝如其劑色味愈於西域王敬美閩部疏曰蔗有二種飴蔗節疎而短小食蔗節密而長大凡飴蔗搗之入釜徑煉爲赤糖亦糖再煉燥而成霜爲白糖白糖再煉則曰冰糖茶 茶經曰茶者南方嘉木木如瓜蘆葉如梔子花如白薔薇實如枳椇蒂如丁香根如胡桃其名一曰茶二曰檟三曰設四曰茗五曰荈漳中以龍山者爲佳

酒 有老酒林檎紅白酒燒酒縉紳肅客則市惠泉包酒順酒之屬俱出他處其本地舊以江東水製者爲佳

烟草 種出東洋近多時之者莖葉皆如牡菊取其葉製乾切如絲置小箇中燃火以口吸其烟今人醉片時不食輒思故亦謂之相思草今各省皆尚之外省亦有種者然惟漳烟稱最聲價甲天下漳又長泰最勝人多種之利甚多或云食此可辟瘴

紅花 習鑿齒與謝侍中書所謂紅藍者也漢時紅花出波斯疏勒河祿國歲貢二萬斤於織染署齊民要術曰摘取即確搗使熟以水淘絞去黃汁更搗以粟飯漿清酸者淘之又以布袋絞汁即收取染紅
紫草 可以染紫一名茈菀此之與紫古字通爾雅用修丹鉛錄曰葑小草也今但知爲葑刻之葑菀紫草也今但知爲菀然之貌
藍澱 漳謂之大菁小者爲槐藍漳謂之小菁

荷子 曰青出於藍而青於藍詩云終日采藍不盈一簍
梔 其葉黃赤七稜者良經霜取之以染本草一名木丹

薯榔 泉郡志曰薯榔似薯根似何首烏皮黑肉紅染皂用之
漆 出龍巖

黃蠟 埤雅曰蠟生於蜜而天下之味莫甘於蜜莫淡於蠟蓋厚於此者薄於彼也西方書曰味如嚼蠟

白蠟 蟲蠟也作繭樹枝上每繭藏蟲秋冬剪取藏之及春傳置樹上蟲出繭食樹津液漫注枝柯剝取煎煉其白如雪黃白蠟漳俱入貢

甲香 即今香螺也漳在唐時以之充貢本草曰大如掌長四五寸取蠟燒灰合香多用之
楮 通志曰竹穰楮皮薄藤厚藤皆可以造按班史稱赫蹏西京雜記稱薄藤注云小紙是也張華賜側理紙洞天清錄云質鬆而厚謂之側理是也

礬 今平和有礬山宋時諸亡命竄名提點坑治司專其利權今不屬官而民間商販如舊

樟腦 本草曰生閩廣諸郡樟樹擇細葉者用刀刮皮手拭預知有腦細細研碎以甑蒸之火逼油入鍋浮水面如白蠟色者佳明時以之充貢

鮫魚皮 漳州貢甲香鮫革卽此也後人訛爲鱧革

樓 古稱檳榔皮爲用最廣二句一割則葉轉

復生皮作繩入土千歲不爛梁張孝秀執井欄

皮塵尾唐因之爲拂

油 有菓子油脂麻油茶油桐油柏油草麻油

近又有落花生油

燭 今漳出者視他處爲佳

灰 異物志曰古賁灰牡蠣也與扶甯檳榔三

物合食漳人用此塗壁比石灰勝之

蔬屬

薤 葉如落葵性冷味甘南人編薤爲筏浮水

上種於水中如萍根浮水面莖葉皆出於薤後

孔遜齋閑覽曰本生東夷古倫國番舶以薤盛

之故名薤菜

若蓬 葉厚而柔曬之難乾蓋感陰氣之多者

本草謂其補中下氣

苦蕒菜 芑也詩薄言采芑一名雲臺菜

倭菜 一名生菜可生食有二種香條苦倭

浮藤菜 葉圓而厚藤相糾纏子紫黑色俗呼

蜆菜

東風 莖紫宜肥肉作羹左思吳都賦東風搖

落是也先春而生故名東風

蔞菜 蔞音罕味辛生深澗不見日者佳朱考

亭詩小草有蔞性託根寒澗幽即此也龍巖平

和皆有之

石花 生海礁上性寒夏日煮之成凍

海苔 綠色如亂絲狀生海石上可食

鷓鴣菜 散碎花微黑小兒腹中有蟲食之下

出漳浦

綠菜 生海中沙地上其長如綠色微紅出漳

浦

神黨 生海邊泥泊上葉蒼蒨如黛歲饑和米

作粥食之出漳浦

香草 爾雅曰中廋苗郭註曰地草也似葢江

東名爲土茵今俗呼爲菰明朝充貢

果屬

荔枝 何家紅出漳州何氏今僅傳其名耳

龍眼 南方草木狀曰樹如荔枝殼青黃色形

圓如彈丸肉白帶紫一朶五六十顆作穗近有

一帶兩實者一大一小大者差比荔枝小者如

珠中乃無核謂之鷄抱子種最貴

柑 閩中木奴以漳爲最

橘 閩山朱橘漳人通謂之柑然橘皮鬆而稍

薄中瓣隨手即開漿之甜美亦稍遜不分名者

誤也又有四時橘前生者紅而後結者青花菓

相見亦謂之公孫橘

柚 今漳州小溪產者味甚甘其最佳者爲文

旦出長泰其色白味清香風韻耐人惟溪東種

者爲上但其地所種不過數十樹移他處風味

便減又有桂花及後門猴相等種亦佳然視文

旦仙凡矣近每歲官案甚苦民有所死其樹者

甘蕉 俗名牙蕉浦產者爲青牙最佳靖產者

爲黃牙香稍遜大者爲荊蕉俗不甚重

柿 柿爲赤實菓又有一種色黃去皮切食俗

名浸柿

李 李種頗多漳產者有朱李粉李清水李胭脂李最佳者爲分仁李

楊梅 漳中有紅白二種

佛手 柑屬狀如佛手其指有屈者有伸者色

最黃中無肉其味香其無指而形圓長者謂之

香柑

金橘 其實小如彈黃如金漳人謂之金棗園

中多種之

菩提果 花如冠蕤葉似冬青實似枇杷出自

西域故名

枇杷 冬花實黃四月熟

黃彈子 實如彈丸葉如山桂而香又云本出

閩越王登壇之側曰王壇子

餘甘 大小如彈丸初入口苦澀咽之口中乃

更甜美宋子京方物贊曰黃葩翠葉圓實而澤

咀久還甘或呼菴勒蓋本草謂菴摩勒即此

橄欖 樹聳枝高數丈其子深秋方熟味雖苦

澀咀之芬釅小者名丁香香味最佳

橙 其味苦辛作酢醬香美蓋獨宜爲和今漳

人又於檳榔中用之其形圓大於橘而香皮厚

而皺張景陽七命曰輝以秋橙

楊桃 五月十月熟諺曰楊桃無雙一歲三熟

其色青黃核如棗核閩中記曰生而五瓣酢可

食

倒黏子 狀如乳頭倒黏於樹未熟色赤味澀

既熟色紫味甘齊民要術曰多南子如指大色

紫味甘與梅子相似出晉安即此種也興化志

名丹黏子

多羅蜜 種出外夷皮如荔枝房如石榴其是無數中各有子亦如荔枝味甜酸大如斗生樹

身上或樹根浮出地上者亦能結實奇果也

樣 出臺灣近漳中移植甚衆其實圓而稍長

味甜酸食之可愈腹疾

枇杷菜 樹絕大其生一苞三千子蒸熟之如栗

實苞紅而子黑

諸蕒 名山藥刮磨入湯煮之作塊不散此外有蜜諸蕒諸熊掌諸凡數種

甘藷 俗名番薯其味甘甜漳人初得此種慮人之多種之也給曰食之多病近年以來其種

遂盛荒年賴此救饑者衆北戶錄云去外皮磨之曝乾爲粉

椎 榛之類即柯子也歲饑乃熟通志曰似栗而絕小

箇摩子 通志曰藤生附大木上實成熟外皮黃色中有殼裏肉如蓮莢而食之或取充果然非貴品也

柑 張天錫曰桑柑甘香謝公問王甲比江東何果云是黃柑之流

落花生 出西國昔年無之蔓生園中花謝時其心中有絲垂入地結實故名其根生者一房可二三粒俗以壓油其利甚溥

龜茨 俗名勃薺漳中產者不甚佳

藥屬 產山谷中其葉其莖皆類薑

黃精

扶留藤 南方草木狀曰檳榔以扶留藤古貢灰并食則滑美下氣消穀今俗呼爲婁葉婚姻皆用之

菖蒲 地黃 天門冬

麥門冬 茯苓 枸杞

薯蕷 半夏 枳實

桔梗 乾薑 萊蕪

黃蘗 鬱金 荻蕪

卷柏 縮砂 柴胡

蒼耳 苦參 茵陳

高良薑 藜香子 小茴香

射干 木賊 木通

薄荷 荊芥 葛根

牽牛子 稀莖 澤蘭

芎藭 艾 天南星

花椒 益母草 使君子

香附子 決明子 金櫻子

甘菊花 香薷 劉寄奴

金銀花 吉鈎藤 木鼈子

何首烏 鶴虱 蛇牀子

蓖麻子 車前子 覆盆子

五倍子 旋復花 淡竹葉

桑寄生 桑白皮 紅花

千里及 骨碎補 蒟蒻

牛蒡子 蒲公草 皂莢

榕樹 其蔭十丈枝條既繁葉又茂細軟根如藤垂下漸漸及地便生根節或一株有根四五處而橫枝及鄰樹即連理王敬美曰多根故易茂而難拔不才故寡依而長壽福州始多故以名城然至漳泉間更多而鉅

椽 通志曰可爲棟宇然久則腐蠹遠不及杉

樟有椽林鋪

柯 是木奴樹南人用作船舫

檳榔 南方草木狀曰樹似柗欄皮中有屑如

麵木性如竹紫黑色有文理

杜松 通志曰葉似杉而小尖勁如刺木似松而有文

加條 閩中記云其葉可用磨犀角象牙

側柏 與他柏相類然葉皆側向而生

抱木 李濟翁資暇錄曰南土多水松抱木蹙

水沫依松而成松之贅疣浮繞其株去水面三

寸其化徵得松之氣耳

甘藤 本草一名威藤一名甜藤李濟翁資暇

錄曰甘草非國老之藥南方藤名也叢似薔薇

而無刺枝草俱甜故名出在潮陽而南漳亦有

竹屬

木竹 海物異名記靈壽木即此也漢書孔光

年老賜靈壽杖

筴竹 山經註曰筴竹大者圍二尺長四丈楊

用修曰石介詩斷霞半緒燕支木零露偏留筴

竹叢其竹又名防露言其上密防露下疎來風

慈竹 吳筠曰慈竹生必內向示不離本任昉

述異記所謂南中子母竹也又名孝竹

麻竹 廣州記石麻之竹勁而利削以爲刀切

象皮如切芋

貓兒竹 華夷考曰貓兒竹大者莖七八寸高

而堅實笋生冬春之交

箭竹 爾雅曰篠箭謝靈運山居賦二箭殊葉

自註云苦箭大葉笋箭小葉

淡竹 圖經曰甘竹似筴而茂即淡竹也通志

曰肉薄節間有粉南人燒以取漚

苦竹 圖經曰出閩中者本極粗大笋味殊苦

不可噉齊民要術有青苦紫苦黃苦白苦謝靈

運山居賦曰四苦齊味

赤竹 王彪之閩中賦曰竹則苞甜赤苦

石竹 通志曰節疎而平可爲器用

桃枝竹 爾雅桃枝四寸有節郭註曰今桃枝

節間相去多四寸尚書顧命云敷重蔑席孔安

國曰蔑桃枝竹周禮所謂次席蕭經是也竹譜

云編之滑勁可以爲席一名桃笙一名蒲葵竹

綠竹 其葉繁茂其筍最佳蘇子瞻謂之玉版

禪師

斑竹 節間有斑文似湘妃淚痕所餘者又有

一種名瀟湘竹

黃竹 通志曰小而黃色一名界金竹

紫竹 朱子京方物記曰園池亦種爲玩身似

井岡

長枝竹 通志曰絲之可以爲器

鳳尾竹 通志曰梢葉森狀如鳳尾

釣竹 宋子京方物記曰弱梢垂地者曰釣絲

竹通志曰其尾下垂如釣一名綿竹

人面竹 華夷考曰節密而凸宛如人面故名

通志一名佛眼竹

七絃竹 色白帶微紅中有青紋大小相間如

琴絃狀

蘆竹 戴凱之竹譜有竹象蘆因爲名注曰

此竹膚是蘆泉郡志曰生溪澗濕處叢小葉疎

含竹 通志曰含孕竹大如指土人以編藩籬

者

觀音竹 南方草木狀有越王竹似細荻高尺

餘想即此

烏竹 其色如漆

方竹 種出武夷山其幹四方

花屬

桂 按李平泉有刺溪之紅桂種山之月桂曲

河之山桂今漳中亦有三種而丹桂不甚多月

桂四序俱花山桂僅秋始開幹至斗大

蘭 葉似菖蒲味幽香種類甚衆花作淺黃色

心有細紫點幹微勁大青蘭也最著花白而葉

長幹亦白而肥一幹可得二十餘花者爲玉幹

蘭種最上花白瓣短而稍圓幹赤而金柔軟輕

盈爲金枝蘭其葉尾多焦亦謂之焦尾蘭種亦

最貴又有丫蘭形如焦尾幹下作一小幹開二

蕊隨其長幹如丫頭然種最難得有金枝玉葉

蘭花大而莖頗粗亦大雅又有色青者色淡紅

者微黑者又有拜歲蘭鶴頂蘭紫蘭倒吊蘭然

皆蕙屬也蕙蘭則一幹一花色青香味更勝一

花可得月餘纔謝凡蕙皆以五月開或本茂者

作秋花獨蘭則十月見苞至方春始開故俗謂

之報春蘭葉纖而長非幽處不蕃即雅異所謂

蘭一幹一花者此也王敬美云蘭以建名福興

泉漳最盛

梅 漳中到處不乏天柱山十月有先開者其

種有百葉者有品字者帶三花每花結三子又

有綠萼者其種皆最貴又有紅梅蘇長公詩云

玉人顚顚更多姿是此花情語又郡人陳克聰

詩云雲應冰容意自佳誰將脂粉點香霞黃昏

淡月前村路幾誤行人問酒家昔稱姑蘇獨盛

晏殊移植西岡都下一枝分接纔得二本今南

中饒有之

蜀茶 亦名滇茶王敬美閩部疏曰滇茶色鮮

好嬌於寶珠其大如盤瓣有重臺交覆蒲林大

格中丞宦彼帶一枝歸今傳種家有之千朵麗

發大是佳卉

洋茶 出日本種類多二十年來漳中始有之

狀如牡丹大者可尺一二圍高三四寸亦有白

色者又有牡丹紅有牡丹紫有吐絲牡丹能於

花心中逗出樓臺吐長絲數寸皆恍惚牡丹獨

惜無香耳又有秋色平分及五寶一枝開花作

緋者白者紅者有一朵而紅白半者又有王紅

阿蘭白觀音白大六角小六角花如刀切成六

角狀者又有鍾款菊款五心白芙蓉紅麗春紅

虎斑紅點白白點紅青梅等種

茉莉 夏開白色妙麗蔡君謨詩所謂團團茉莉叢芳香暑中折也南方草木狀曰胡人自西國移來南人憐其香競植之今漳在在皆是自閩而上價遂轉高近有傳來番茉莉花較大更為可貴

素馨 似茉莉而瓣覺小香次之佛書曰那悉茗昔劉王有侍女名素馨冢上生此故名近又有紅素馨黃素馨花小而繞枝甚盛第不香耳木芙蓉 通志曰一名拒霜花紅白二色有朝

開色白午後則色漸紅者曰醉芙蓉按邛州有弄色木芙蓉一日白次日淺紅三日黃四日深紅今一日遞變是亦芍之變種也

朝日蓮 花色或黃或白葉浮水上翠厚而澤朱子京方物贊云素花碧葉浮秀波面日中則向日入還斂故名朝日蓮

交枝蓮 纖藤不能自將纏木而起花碧綠色交相照映

合歡 一名青裳花至暮即合一名夜合古今注曰合歡枝葉互相交結每一風來輒自相解了不牽綴樹之階庭使人不忿藉叔夜種之舍前

遍地錦 花似山茶而小其色淺紅
杜鵑花 俗傳杜鵑啼血滴地而成此花一名山躑躅王敬美謂閩中氣候二月下旬已見躑躅即此也十葉者佳近有白者其單者一名滿山紅
龍船花 以端午開故名其色鮮紅

月橘 葉似橘而小其花四序俱開一名四時橘

洛陽錦 叢生諸色俱備又有純白色者蕊旁如剪就謂之白剪絨

紫燕 溪蠻叢笑云紫花類燕子一枝數葩有碧者又有黑色者花大上如火簇一名錦麒麟金絲蝴蝶 泉郡志曰花黃形類蝴蝶華夷考謂之金莖花微風至則蕩搖

狀元紅 與剪春羅相似色最紅
密柳 枝葉有刺花似薔薇第不香耳
御愛 餘醴別種也繁英深紫小品綢疊

寶相 藤生而高通志曰類餘醴而秀整過之花凡數種淺紅者小而不香深紅者大而香黃者蜀名黃醴醴

樹蘭 泉郡志曰叢高成樹其花碎點清香王敬美閩部疏曰賽蘭蔓生樹蘭木本其香皆與蘭埒

紅蕉花 於芭蕉別是一種葉小其花鮮明可喜俗名美人蕉宋子京方物贊曰蕉無中幹花產葉間綠葉外敷絳質凝殷

大笑 通志曰青色粉蕊白英香聞數十步有四時者花差小而香微
英梅 爾雅註曰雀梅也按陸璣以唐棣為郁李曰一名雀李亦曰車下李子大如李可食今漳產者花後亦結細子但不至如李大微為異耳
噴雪 花白細細如雪亂點通志名潑雪今人

取為盆間近玩

金燈 元獻之曰草自上末分數枝枝一花光艷如燈今呼為花葉不相見一名天蒜

紫香藤 蔓引高樹垂風飄拂其花簇簇墜下如紫荊狀香氣迫人一條可得十數簇每開時羣蜂飛鬧

瑪哩芥 出日本花如繡毯大可七八寸初開色青數日淡紅又數日轉而藍又有如雨後青天色者一朵可開月餘或有經數月不謝者但顏色減耳

雪鴛鴦 葉叢生細而長花白吐心中一莖可數十蕊開輒兩蕊相對故謂之雪鴛鴦又夜來則香故亦名月下香

番蝴蝶 樹高盈丈花如蝶有顯色中紅外黃開如簇錦種亦出外夷性不耐霜冬日多萎死

草屬
鼠麴 本草曰生平岡熱地葉似馬齒莧上有白毛黃花艾軒集謂之暑菊漳人三月三日雖米粉作糗

仙草 泉郡志曰搗爛絞汁和米粉煮之雖三伏成凍凍似石花而黑
水燭 葉如蒲生花如蠟燭花有三層燭肉如綿治金瘡靈驗
龍舌草 草形如舌旁有刺液如油可以潤髮
絡石 本草曰生陰山峻壁或人家亭苑上石間種以為飾其莖蔓延莖節著處即生根鬚包絡石上其在木者隨木性而移薛荔木蓮地錦

石血皆其類也

燈心草 本草曰即石龍荔一名龍鬚草江南澤地叢生苗莖圓細長直折取心中白穰用之燃燈夜照其莖爲席

獨帚 爾雅葬馬帚郭璞註曰似著可以爲掃帚

山狗脊 小兒生喉瘡者煎滌之良

野葛 本草曰根名野葛葉名鈎吻俗呼胡蔓草又名斷腸草南方草木狀曰以薤汁滴其苗

當時萎死世傳魏武噉野葛至一尺先食薤也王敬美閩部疏曰一枝三葉葉大如蕒民間闕

不能勝服之令妻子扶而之怨家死焉官惡其事下令服草死者不給埋錢然不能盡除也解

此毒者以蜜灌之已復灌羊血吐出可不死

毛屬 山犬 按古謂之田犬泉郡志曰赤色蒼文好食果實

竹鼯 劉欣期曰竹鼯如小豹子食竹根閩中賦曰竹則桃枝有蟲註云青蟲竹鼯也贊寧雜

志曰竹根有鼠人或竹刺人肉者啗此立消以其食竹消竹毒也漳人謂之管豪

鼯鼠 泉志郡曰似鼠尾散垂食果實綠樹而走遇隔枝處跳過如飛漳人謂之飛鼠

山鼠 通志名山獬狀如鼠其尾方腊而食之香美

魚屬 胡鱖 長二三丈圖經曰鮫魚今南人但謂之

沙魚大而長喙如鋸者名胡沙述異記鮫人之室泣而出珠即此耳

白鯊 比胡鯊爲小爾雅翼云小而皮麤者曰白沙刮皮去沙翦以爲鱗可寄千里今魚翅是

也陳藏器曰子母隨行有驚即從口入母腹石首 爾雅翼名鯢首中有石故名石首鱗色

黃而金一名金鱗食之消瓜成水又名黃瓜或謂漳中金鱗大而長非吳越間石首可比然自

是一種異物志曰小者名鱸水次名春來漳中小者種類亦多

鯉魚 脊有三十六鱗六陰數也鯉爲魚之長故其數如此埤雅曰鱗鄰也鯉里也鯉進於魚

矣殆亦龍類故仙人乘龍亦或騎鯉乃至飛越山湖

鯽魚 本草曰一名鮒色黑而體促腹大而脊隆所在池澤皆有之莊子所謂東海波臣者也

埤雅曰此魚旅行吹沫如星以相即也謂之鮓以相附也謂之鮓

鱸魚 與鯢相類昔張季鷹所思者隋煬帝謂之金齋玉鱠

鰕魚 山海經曰鰕大口而細鱗有斑彩爾雅翼曰皮厚而肉緊特異常魚其斑文鮮明者雄

也稍晦昧者雌也以索貫雄置於畔羣雌來謁曳之不捨掣而取之常得十數頭

烏魚 本草所謂鰮魚潭中養者佳故吳王論魚以鰮爲上出海中者名爲海烏大而味稍劣

子魚 似烏魚而小冬深子盈其味尤珍一統

志稱通印子魚蓋取宋人詩長魚俎上通三印也顯仁太后問秦檜妻近日子魚大者絕少檜

妻曰妾家有之檜告其失言乃謀進青魚百尾太后笑曰我道這婆村果然

馬鮫 身圓而狹長無鱗與鰻鮓云山食鵠鵠鰾海食馬鮫鰾蓋重之也通志一名章鰾

鰾魚 身扁色紫無鱗以其首銳腹廣尾細如鰾鎗故名或云與諸魚交名娼尾

鮓魚 鮓之別種圓厚而短鱗其味豐按說文鰾皮有文周文王時揚州獻鰾則午當作鰾

鮓魚 圖經曰青魚生江湖間今出南方似鯉而背正青色古作鮓所謂五侯鯖者也俗名草

魚 鮓 一名鮓西征賦曰素鮓揚髻里語曰網魚得鮓不如啖茹故漳人宴客以鮓殷後

鰾魚 張東沙曰甘肥異常腹下細骨如箭鏃味甘在皮鱗之文今漳產者方他處爲劣

鰾魚 與鰾魚相似但味薄耳色白多骨敏魚 與化志曰其色蒼似鮓而瘦削張東沙

謂之鰾魚狀似鰾而肉粗貼沙 附沙而行上紫下白兩目相比江淮間

謂之鞋底魚通志名鰾沙鰾魚 有烏鰾白鰾海有虎鰾溪有鰾鰾或謂

鰾鰾以食蘆芽故名埤雅曰鰾無鱗甲白腹似鰾而大有雄無雌以影鰾體而生子

文昌魚 狀如鰾細如筋長二三寸其行以陣味甘美郡城文昌閣前有之餘處不可得也故

俗呼爲文昌魚甚貴之

銀魚 爾雅翼曰王魚長五六寸身圓如筋潔

白無鱗但目兩點黑耳博物志吳王食鱸有餘

棄於中流化爲魚今猶呼鱸殘魚又名銀魚多

曝爲脯

金魚 遍身紅色其尾如蝦後半皆黃金故名

金魚有與鯽交而生者亦能養金第魚尾耳又

名紅鯽差大古所謂赤鯽者也紅色稍減不復

養金

鯽魚 爾雅曰鯽鰕刀郭註今鯽魚也又名刀

魚長頭而狹薄腹背如刀故名與石首皆以三

月八月出江賦所謂鯽鯽順時而往還也漳以

刺多名刺魚

棘鰕 通志曰似鯽而大其鰕如棘紅紫色嶺

表異錄云吉鰕蓋聲相近也

赤鯽 通志曰似棘鰕而大鱗紫皆淺紅

黃鰕 興化志曰略似棘鰕其身小而薄淡黃

色

烏鰕 興化志曰全似棘鰕但其鰕烏又有白

鰕

方頭 通志曰似棘鰕而頭方味美

章魚 卽韓昌黎所謂章舉其身圓其首八脚

攢聚當中有口脚上有窩如白歷歷成章囊中

有黑膏及黃膏或結子如柑瓢俗呼爲飯行則

首足向下身向上高舉而疾逝謂章舉者以此

石拒 朝鮮人謂之八帶魚以此脩貢脚長四

五尺往往緣石拒人不知者空手採取則八脚

資緣而上纏身塞鼻不可解脫近海人以竹挺

探之俟衆脚皆緣衆挺然後總執而出其肉柔

韌不如章舉爲脆

鎖管 其身圓直如鎖管狀首有薄骨插入管

中如鎖鑰其味甘脆

猴染 形如鎖管而味不及

鮓魚 爾雅曰小者鮓是也生海邊泥塗中其

大如指善跳故名

鰕 俗謂之鰕爾雅翼曰鰕似蛇而無鱗黃質

黑文體有涎沫生泥窟中漢楊震三鱸集講堂

都講曰蛇鰕者卿大夫服象謂此鰕耳古鰕借

用鰕

鰕魚 細長味甘可七八寸其狀如線骨柔無

鱗唐李采入閩稱此爲銀羹水母爲玉脂

油筋 生海泥中其長如筋周身是油其味尤

佳又有一種名沙蟲

涂龍 生海泥中如鰕長尺餘

泥笋 狀如銀魚夏月煮成凍極甘美

黃三 似鰕但差長通志曰鱗細黃赤色

赤魚 狀如鰕魚鰕有兩鬚而赤魚四鬚其尾

頗赤以九月至十月卽回又謂之客魚以糟爲

酢可蓄經歲

鰕魚 通志曰雌作卵雄吞之成魚青色無鱗

蓋庸魚也故謂之鰕俗呼爲鰕魚埠雅謂鰕爲

鰕非是

柔魚 似烏鰕而小曝乾食之味甘甚珍

烏鰕 本草名烏賊海物異名曰集足在口縮

喙在腹喻彼嘔墨迷射水族埠雅曰每遇大魚

輒嘔墨周波以衛身小魚過其前吐墨惹之漁

人見水墨網之大獲南越志曰烏鰕懷墨而知

禮是也古今注謂是河伯白事小史兩鬚極長

每遇大風抖前一鬚爲釘近岸則黏前一鬚爲

纜中有骨如小舟名海鰕蛸

黃魚 色黃身扁長六七寸脂厚味豐恨多刺

耳

黃鰕 身薄而小色黃宋志以爲黃雀所化

白鰕 興化志名白澤海物記曰羣生隨波潮

宿在澤故曰白澤卽今所謂白鰕

青鰕 興化志曰大如拇指長六七寸色青鱗

厚通志一名青鰕

楓葉 海物異名記曰海樹霜葉風翻浪翻腐

若螢化厥質爲魚名楓葉魚

鯨魚 張東沙曰形圓似扇無鱗色紫黑口在

腹中尾長於身

鸚鵡魚 華夷考曰色青綠口曲而紅似鸚鵡

鳥

燕魚 通志曰有肉翅能飛水上

鰩魚 俗名雞魚爾雅翼曰長尺許翅與尾齊

羣飛海上吳都賦曰文鰩夜飛而觸綸是也古

名鰩以象鶴今名鰩以象鵝故

溪鰩 出南靖平和山溪間爲酢甚佳卽香魚

昨其生海中者爲海鰩

帶魚 通志曰身薄而長其形如帶無鱗入夜

有光漳人呼爲白帶

缸魚 以春日乘潮而至網至不能容

毒魚 以夏月至

泥鰱 爾雅疏曰鰱一名鰱今泥鰱也穴泥中

因名埠雅曰似鰱而短以涎自染難握舊說守

魚以鼈養魚以鰱蓋鰱性會健善擾令魚利轉

故制字以鰱漳謂之鰱以入秋最多也

彈瑟 穴田塋無鱗有刺通志謂之田瑟興化

志謂之彈瑟泉志謂之塗虱

蛟魚 生蛟中食蛟豐肉少骨

梭魚 似蛟魚稍大狀如織梭豐肉骨脆

鯢魚 爾雅翼曰今之河豚冬至輒有之易謂

信及豚魚蓋中孚十一月冬至之卦此魚應之

而來信之著也北戶錄作鮭魚一名鯢鮓或名

鯢鮓味至美然肝與子有大毒

鰻 爾雅名鰻或云是公鰻蛇所變故名爾雅

翼曰圓長而斑有七點依北斗之象夜則仰首

北向道家以其首戴斗也有水厭鰻之說禁不

食

潭捕 興化志曰好潭居潭捕者言就潭捕之

疊蛤 通志曰尾有星多穴於田塋或泥岸中

鬪魚 泉郡志曰狀如指長二三寸有花文紅

綠相間尾鮮紅有黃點善鬪兒童盆養之泉人

呼爲下班漳人呼三班

吹沙魚 爾雅所謂鱖鮓陸璣疏曰魚狹而小

常張口吹沙

蛇 北戶錄曰水母一名蚌一名石鏡博物志

云狀如凝血從廣數尺無正圓亦無頭目賜藏

衆蝦隨之稽聖賦云蛇正白濛濛如沫有蝦依
之蝦見人驚蛇亦隨之而驚以蝦爲目故江賦
曰瑤姑腹蟹水母目蝦是也大者如牀小者如
斗

介屬

江珧柱 爾雅註曰珧玉珧詩傳云天子玉珧

而珧必是也海物異名曰江珧柱厥甲美如瑤

玉肉柱故韓退之謂馬甲柱

蚌 圖經曰後足闊者名蛤蚌南人謂之撥棹

子以後脚形如棹也殼無毛所異於蟹西陽雜

俎曰大者長尺餘能與虎鬪隨大潮退殼一退

一長整至強漳人以草縛之

蠟 圖經曰闊殼而多黃者名蠟其殼甚銳斷

物如芟割

蛄步 舊志蛄作歇行數步則舉螯而拱按埤

雅曰擁劍一名桀步以其橫行故謂之桀步

虎獅 北戶錄曰虎蟹殼色黃赤文如虎首斑

闊部疏曰殼作猗猗斑斕盡是虎頭名曰虎蟹

以配龍蝦爲的對也

步倚 俗呼洋倚按蟹志有倚望者或是

蚶 爾雅謂之魁陸郭註魁狀如海蚌圓而厚

外有理縱橫即今之蚶也嶺表錄異曰一呼瓦

屋子以殼上有稜如瓦壘因名

牡蠣 本草曰附石而生硯礪相連如房故名

蠣房晉安人呼爲蟻蒲海濱在處有之浦產小

者名珠蟻爲佳西陽雜俎曰牡蠣言牡非謂雄

也是鹽水結成何引疑食蚶蠣議曰眉目內闕

慙潭沌之奇廣殼外絨非金人之慎故宜長充

庖廚未爲口實

車螯 蛤之大者殼厚微黃肉堅含漿不放

石蚌 一名龜脚蚌蛤類也春而發華有足異

者

千人掌 海物異名記曰聚刺橫殼壁之不能

開西陽雜俎謂之千人捏

水龜 一名龍虱醃食之佳

蝦魁 嶺表錄異曰前兩脚大如人指長尺餘

上有芒刺鈺硬手不可觸腦殼微有錯身轉環

亦長尺餘熟之紅色一名蝦杯一名龍蝦闊部

疏曰龍蝦置盤中猶蠕動長可一尺其鬚四綠

長半其身目睛凸出上隱起二角負介昂藏體

似小龍尾後吐紅子色奪榴花真奇種也

蝦姑 通志曰狀如蜈蚣而大能食蝦開元遺

事謂之蝦姑

苗蝦 海物異名記謂之蟹蝦細如針芒海濱

人鹽以爲醬

香螺 通志曰大如甌長數寸味最厚本草謂

之甲香泉郡志曰肉雪白而尾有膏

紅螺 通志曰肉可爲醬

黃螺 通志曰殼硬色黃其味珍

蓼螺 通志曰大如指有刺味辛如蓼

梭螺 通志曰殼細長文如雕鏤味佳浦志曰

梭尾螺又有一種名吹螺名泥螺

花螺 泉郡志曰殼有斑點

活能伏氣飲露又有生池潭中者名石螺按通志漳又有馬蹄螺

西施舌 泉郡志曰似蛤蜊而長其肉有舌最

美閩部疏曰海錯出東四郡者以西施舌第一

名車蛤以美見諡

蚌 戰國策所謂與鵠相持者也埤雅曰鼈孚

乳以夏蚌孚乳以秋其孕珠若懷妊謂之珠胎

蛤 似蜆而大殼有斑文本本草經謂文蛤表有

文即此耳禮記曰雀入水為蛤

蛤蜊 淮南子若土方捲龜殼而食蛤蜊西陽

雜俎曰蛤蜊候風雨能以殼為翅飛

石華 里語謂之石雹高廣寸許李善曰石華

附石肉可啖

海月 海蛤類也一名蟾鏡形圓如月亦謂之

海鏡土人鱗次之為天憲海物異名記一名老

葉盤

沙屑 一名沙聖殼白至薄其品頗重又有一

種粗者名泥屑

沙白 肉形似蛤其品甚珍

土蛭 張東沙曰形大如豆殼薄生海泥中泉

郡志名麥螺

紅綠 通志曰似蛤而大其色紅綠

卿蛭 興化志名即光形似蛤蜊但形大唇黑

食沙故肉多沙

江橈 綠殼白尾其形如船橈故名泉郡志以

形如指甲名指甲螺

蛭 本草曰蛭味甘溫生海泥中長二三寸大

如指浦志曰殼蒼白頭有兩巾出殼外割紐煮

食

石蛭 生海底石孔中長類蛭圓尖上小下大

殼似竹蛭而更紅紫石孔原小及蛭生漸大孔

亦隨之而大海人乘潮退用小鐵鑿鑿石取之

出鎮海

竹蛭 似蛭而圓類小竹節其殼有文

烏粘 通志曰狀如淡菜而絕小生石上須割

取之故名

蜆 殼色綠而旁有毛

蜆 通志曰殼黃黑色而小俗呼為蜆太守舒

雄憶漳南詩曰六月北溪蜆即此耳

空牙 海物記揚華如凌漸甲絕薄者為空牙

一名泥星

海贈 通志曰殼圓如孟外結密刺內有膏黃

色土人以為醢

蟲屬

龍眼鷄 莎鷄別種生龍眼樹間本草有頭方

腹大翅羽外青內紅者即此耳

蟾蟲 狀似龍虱綠壁喜走好藏府窠中喫物

食之

蛭蛭 爾雅所稱蛭蛭邢昺疏曰黑甲翅在甲

下噉糞土作丸而轉之莊子蛭蛭之智在於轉

丸是也抱朴子曰元蟬潔饑不羨蛭蛭穢飽

白魚 爾雅謂之蟬郭註曰衣書中蟲一名蛭

魚本草謂之衣魚穆天子傳蠹於羽陵即此也

樟蟲 如指大長數寸綠色用醋洗之去肉其
中有絲抽出許長名曰蟲絲用以繫釣
水鷄 通志名谷蠹漳名石蠹并皮食之所謂
不得除此錦襪子者也

欽定古今圖書集成方輿彙編職方典

第一千一百五卷目錄

漳州府部彙考十一

漳州府古蹟考

職方典第一千一百五卷

漳州府部彙考十一

漳州府古蹟考

本府 龍溪縣 漳浦縣

府志

龍溪古縣 在十二三都今湮沒宋元豐間王存修九域志謂梁天監中置嘉定志又謂梁大同六年置去天監十九年周瑛云九域志採諸傳聞而嘉定本前志而修則據所見也

故綏安蘭水二縣 隋書地理志龍溪縣開皇二十二年併蘭水綏安二縣入焉今漳浦之八都有綏安溪按廣東通志大埔縣西北百二十里曰高昌山其下有綏安溪註云一名梁山漳浦縣界南越志綏安北有連山昔越王建德伐木爲船其大千石以童男女三千人舉之既而人船俱墜於潭時聞拊船有唱喚督進之聲往往有青牛馳而與船俱見蓋神靈之事也一名越王潭南宋沈懷遠次綏安詩餘善已辭師建德仍伐木蓋本於此惟蘭水故縣今莫知其處

矣

柳營 在今江東地舊志云唐末王潮下泉福嘗駐輜重宿重兵以守之故有柳營之號按白石丁氏古譜唐自高宗朝會鎮府者以將軍鎮閩丁之先有丁儒者會贅婿也及將軍陳政與會鎮府更代而會遂寓龍溪政沒子元光代元光平蠻開郡先是六朝以來戍閩者屯兵於泉州之龍溪阻江爲界插柳爲營江當溪海之交兩山夾峙波濤激湧永隔東西至是險遣人沿溪而北就上流緩處結筏連渡從間道襲擊之遂建寨柳江之西以爲進取恩威並濟土黎歸附轄其地爲唐化里而龍溪以東之民陸續渡江由之且戰且招追寇於盤陀之下盡殲之顧附者無而籍焉未隆二年請於朝移鎮漳浦以拒潮賊阻盤陀諸山爲寨其西北山峒之黎率依險阻林木陰翳不相通乃開山取道窮除荆棘遣土民誘而化之漸成村落拓地千里垂拱間請置漳州割泉州龍溪屬焉詔元光以將軍知州事丁儒爲州承事郎然則柳營之號自六朝時有之不應起於王潮而陳政之前有會鎮府皆前此諸志所未嘗及

揭鴻寨 在九龍江西地名軍營以唐將軍陳元光嘗駐營於此嶺極高峻元世有蔡公者改路從其西山腰呼爲新嶺一名蔡公嶺蓋昔人北遊之路唐慕容韋有詩

陳公城 卽鎮門南北二城在郡東三十里明吏部陳天定築知府施邦曜易以石記曰鎮之

有城也自陳公祀皇始也余因而廓焉名其城曰陳公城視皇陳字也今遺址無存惟鎮北宮內有施公石像及功德碑

萬松關 在鶴鳴岐山之間卽堆雲嶺也嶺爲京省孔道崇禎二年郡守施邦曜築之旁有堆雲庵有亭行人憩焉此地巨石林立踞郡東山川形勝關城堅壯巍嶧升樓遠眺海面皆在目睫

自隱堂 與得仙亭皆在名第山唐周匡物讀書處周詩云意外捲簾侵碧落檻前敲竹響青冥黃昏不欲畱人宿雲起風生龍虎醒

周濬書堂 在名第山匡物與存實讀書處周仙去有硯石棋盤丹竈存焉邑人蔡仔詩云硯石埋塵藥竈傾朝朝猿鶴哭先生我來堂上餘風在人去山間兩字榮又蔡如松詩周濬書堂在何許名第山題橫紫烟嘉定志辨周讀書名第山濬讀書梁山不當爲一處不知周濬爲金石交周在名第濬時往來故後人稱之

瑞鵲堂 在舊通判廳之東宋熙寧九年郡倅柯述賑活饑民有鵲棲其廳事比述去鵲亦送之漳人異焉蘇軾賦異鵲詩柯侯古循吏悃悃真無華仁心格異族兩鵲棲其衡者此也紹興中郡倅林安宅與賓客會有飛禽中矢入戶哀鳴命去其箭傳藥釋之猶若有所訴焉者倅爲物色所射之人破其弩命更業乃飛翔而去先爲異鵲堂後改今名

憩堂 在郡治內宋守方銓建堂鑿池時花歲

久蕪穢趙汝謫命樹柑數百株名曰憩堂政暇領賓客遊賞亦勝處也後園有平易堂守方來建作詩云長吏聲聲欲近民正緣平易好相親閱閱更有艱難事此地潛窺分外真

至鶴堂 淳熙丁酉州治災守趙公綱方度地

間有白鶴自半空下翔翔飛舞為數十從之移時乃去張公微為記末溪梁公楠書其額

仰高堂 在龍江書院宋紹定戊子堂產瑞芝

九莖郡守方淳率僚屬往觀焉料曹趙維作詩以紀其事

道原堂 在龍江書院之東宋守方來建祀朱

子塑像其中以陳北溪配之後復以黃勉齋配宋末書院燬於兵堂亦廢明成化四年守王文

復建陳洪謨孫裕相繼修之今為朱子祠有聯云十二峯送青排闥自天寶以飛來五百年逃

墨歸儒跨開元之頂上云舊是朱子題記也掘地於石上得之

仰止堂 在府學東偏宋紹興末教授陳知柔繪六一先生而下十餘公祀之并記其事

七賢堂 在龍溪縣學內嘉定間令江叔豫建祀周程張朱五先生以周匡物高登配

尊道堂 在郡學紹興中守李彌遜建以為講堂

明德堂 舊曰明善嘉熙中教授陳大章易之守李韶書

修教堂 在縣學大成殿後嘉熙中令黃師雍遷建守李韶書

教授廳 在郡學後清漳門內鹽倉池之西紹

熙二十六年朱文公為同安主簿嘗以事捧檄

至漳州教授陳知柔請公作題名記歷慶元記不存乃別為記淳祐己酉教授沈輝讀公集始

得舊記因刻石而龕之壁

植萱堂 在錄事參軍廳舊懷恩門外延平廖中丞剛居是官日所作

同樂堂 在郡治內慶元間趙伯陽建扁曰安

靜嘉定中趙汝謫改今名

瑞蓮堂 在同樂堂之左端平中守趙以夫建

水雲館 在府治南郊俯瞰溪流翠峰環拱蓋一郡勝處也宋郡守傅伯成章大任重修

協夢堂 在登高山文公祠左明嘉靖十四年知府孫裕建先是公為大理寺正夢朱文公屬

以遺事未幾由邵武改守漳謁文公祠由開元寺曲廊而進心竊之會督學潘公亦以為言公

恍然曰夢其徵矣乃開道於祠東循堦而麓以達通衢即祠左建講堂三楹扁曰協夢東隅

之半建亭曰仰止又建龍江書院石坊於新路前甃道以石衛道以垣於是文祠與浮屠之居

不相混或云開元釋氏甚盛自鑿山開道而教始衰矣

陳北溪宅 在北溪宋儒陳淳所居朱文公守漳時每相過從

黃少師宅 在郡城四柱巷朱黃彥臣所居顏定肅宅 在郡西清橋宋吏部尚書顏師魯所居

梅雪齋 在郡城內明初林唐臣棄官歸隱著書曰梅雪齋集云

天問堂 鄭深道宅屢蒙天恩垂問故名鄴山講堂 在柳營江沂流而北明黃道周講

學於此四方人士環江而來聽者以千艘中有

三近堂與善堂樂性堂及蓬萊峽逃雨巖墨池等勝今堂廢僅存基址郡人陳常夏有詩云千

載傳丘壑諸翁亦姓黃人多私淑意我共水雲鄉濯壁題詩句臨流結草堂思君瞻往蹟未忍

息孤航

梅莊 在郡南南山寺之後進士張一棟別業也莊內置石榻可數十處種梅千餘株每冬日

漳中載酒訪梅者相望今廢遺址尚在

南樓 舊為城南門樓宋淳熙五年守趙公綱重建慶元二年守傅伯成更今名淳祐九年守

張大任壘石明王禕詩云試上高樓望羈愁覺易消者此也萬曆初燬於火崇禎間郡守曹銓

重建扁曰水天一色相傳漳郡城南一帶時有火患自此扁一挂火患遂息今壞當修

譙樓 在府治漳州衛前壘石為基而樓其上宋嘉定中郡守方銓重建元邑令李蘭孫重建

明洪武間燬正統間指揮楊隆重建樓高八丈廣一十二丈六尺扁曰漳南勝槩嘉靖間郡守

詹瑩毀之又有雙門樓在譙樓前百步許宋時建永樂中重修前有亭題曰漳南壯觀成化間燬風月樓 在府治右宋開禧中通判劉鈞重修

瑞鶴堂築樓其上郡守毛雷詩云君家自是爲霖手何止平分月與風

喜雨樓 在舊土城宋時趙汝諱雨獲應因名教諭放陶孫書額其上

觀海樓 在新橋南明萬曆間郡守韓擢築成新橋因於橋南蓋造高樓宏敞壯麗一巨觀也

齊雲閣 在開元寺西宋蔡襄詩云紫閣青梯壓翠岑春情秋思共登臨者此也淳祐間郡守黃朴新之扁其門曰紫閣青梯取襄詩中語也

飛鳧閣 在龍溪縣治左不知始建歲月宋紹定甲午令蘇應衡修之又有觀政亭在閣前嘉熙戊戌令趙絳夫建甃石爲池取池水觀爲政之句莆田劉克莊書歲寒堂在閣後紹興間令陸竑建又有不欺室嘉定壬申令陳士會建侍郎陳謨書

千佛閣 在開元寺殿後宋進士題名在焉舊進士題名在崇福院咸平多寶塔取慈恩塔之義自塔燬始移於此取千佛名經之義

飛躍閣 在龍溪學前臨方池有神物潛焉每雷雨晦冥或噴水柱上舊名知化元祐間改名化龍淳祐間郡守黃朴改今名其右有溪光閣龍祠龍井龍亭

御書閣 在龍溪學泮池左宋紹定間令陳天驥建

威鎮閣 亦名八卦樓在城東南角明萬曆六年知府羅青霄以異閭淫甚乃撤城上舊樓建層閣顏曰威鎮與芝峰威鎮亭對峙勢若華表

障空郡治增勝八窻玲瓏取象八卦其規制皆出同知羅拱宸時有聯云五名山二秀水城外風煙連海嶠七眞儒三及第漳南文獻甲閩甌

文昌閣 在郡城外東南新橋頭明萬曆己亥太守韓擢既移南橋於水雲館故址即橋南建觀海樓橋北爲文昌閣閣三層上祀文昌四聖環碧長橋臥波繁溪若帶爲一郡勝覽未幾燬於火知府曹奎重建乃增其基址而高大之

經史閣 在泮池右宋令陳子植建

仰文樓 在府治川堂後康熙五十一年郡守魏荔彤建高齋弘敞近可瞻萬家閭遠可眺百里山川

營頭亭 在柳營江唐歐陽詹有詩見藝文得仙亭 在郡城南名第山唐周匡物及第詩有三十二人同得仙之句故名劉禹錫詩危亭誰結據山椒名第山人不可招繞閣溪山敞圖書萬家樓閣插雲霄

君子亭 在府治後宋朱考亭復軒故址後爲月臺臺後爲隱室其象圓以茅覆之憲儒隨方刻八卦其上公餘閱書於此後守趙汝諱即舊址爲亭扁曰君子亭臺池築臺其外趙有詩云行吟小似曲意象關治渠更上層臺望霜天淨翠屏萬曆庚子年池爲守韓擢填塞

碧玉千峰亭 在芝山宋守危稹撤臨漳臺扁曰登高後守方來避登高諱以碧玉千峰四字易之據成化四年朱祠碑記方來於龍江書院之東建道原堂正臨漳臺下則登高亭或在芝

山之半今已爲浮屠之居其堂中尚存有碧玉千峰之扁相傳以爲古蹟未知是否姑誌以俟考

九區亭 在府治前宋朱文公建後守方來重修又於西子城亭于舊名西山爽氣改曰仰高而新之以示景仰之意

亦佳亭 在舊別駕署宋郡倅黃之傳建有詩云小亭新築亦佳哉花木無多手自栽若謂甘棠安敢比清陰留與後人來

月淵亭 在開元淨衆寺郭祥正有詩達觀亭 在開元齊雲閣山巖宋守黃朴建又闢其後爲亭曰流翠曰揖丘以通碧玉千峰焉

樂全亭 劉衍既挂冠歸即所居旁築亭名曰樂全與郭祥正徜徉其間一觴一詠以娛其親郭爲之記有云劉公八十精神全奕兀浪士天機全浪士祥正自謂也然樂全者實取樂於歸休以全其節耳其後章惇等用事排擯朝士千八百餘人公與趙清獻不與焉人服先見

湖心亭 在東湖舊有亭二曰東湖曰水閣後水閣壞中有亭曰綠護曰道院曰夢月曰莠亭曰八角亭寶慶間守方淙重新之後守趙以夫作有摸魚兒詞

歸耕亭 楊承祖者楊汝南之孫也除知梅州年五十以祠祿歸卜別墅介於保福隆壽兩山間扁以福壽林塘與前守傅伯成及鄉寓少卿孫昭先封守陳經爲其率集倡和盈軸楊詩云乘興登臨弗杖藤絕巔未已覺身輕新開竹徑

從風入小坐松閣待月生江上數峰攢壁立林間一開凝雲行凭欄朗誦昌黎句水碧雙增遠目明又云丹青模寫費毫端此景居然兩寺間半嶺松陰觀鶴憩一泓雪影照人顏及時行樂恐無地何事歸休始買山多謝好風推妙語西湖處士掉舟還又作亭於城北稻田數區荷塘十里扁曰歸耕中有堂扁吹畝不忘君糾曹恬軒趙維記

瑞荷亭 在府學內宋乾道間泮水有荷葉同餘故名

澤露亭 在郡城朱邑人有李亨伯者守邑莞丁母憂不許解官亭伯凡五上章哀請而後許明年甘露降其家柏上故名

盍簪亭 在舊子城宋紹定間守李勣建以館士大夫之南遊者

留佩亭 在龍溪二十六都宋倅鄭渙代去郡人攀轅留佩爲別

尚書嶺亭 在府城南宋尚書顏師魯建景泰中郡守謝養修成化十八年守姜諒重修

孝子亭 在南廂外元胡景清五歲遭亂失母尋之四十年始獲邑人構亭立石以旌其孝碑記尚存

迎恩亭 在郡城東明洪武三年知府潘琳建并建堂宇於亭北爲候館原名接官亭成化十八年知府姜諒重修易今名

威鎮亭 在紫芝山頂明弘治間建正德中都指揮楊勳詩云漳南威鎮說斯亭圖錄相傳應

將星東北帆檣接閩越西南水陸會潮汀天開形勢關諸險地走風雷號百靈回首漢臺千載下幾人功業鬢髮青嘉靖十九年同知謝紘重建八角可以望遠亭下有松數百株蔚然深秀萬曆癸未調浙兵駐漳盡伐其松構架營房亭亦毀順治末年海澄公黃梧重建未幾大風吹毀康熙五十二年郡守魏荔彤捐俸建萬壽紀恩亭勒碑自爲之記

仰止亭 在紫芝山明嘉靖十四年郡守孫裕以朱文公祠由開元寺曲廊而進心病之乃從祠東另開一路於通衢即東園之半建亭曰仰止有聯云幾回仰止高山自阜自邇到此地位中有考亭深處亦步亦趨示我周行

甘露亭 在郡城紫芝山頂嘉靖十六年甘露降御史李元陽作表稱賀知府孫裕建亭以志符瑞

浴沂亭 在舊龍江書院門外隆壽山之右構亭池中前又有化龍池

思鄉亭 在萬松關內不知何時建康熙三十四年令田廣英重建

臨漳臺 在紫芝山頂不知始自何時朱子守漳日登茲臺而樂之欲築讀詩之室不果後守危積乃作龍江書院以成公志陳淳詩云臺前一帶繞漳溪臺下廻環萬象齊蓋溪山最勝景也

半漳臺 在芝山半宋郭祥正詩飛簷突兀壓林丘見盡臨漳一半州

嘯臺

在圓山

威通塔 在開元寺上刻佛頂尊勝陀羅尼經咸通四年漳州押衙兼南界遊奕將王嗣建造宣義郎前建州司戶參軍事劉備書後列朝議郎使持節漳州諸軍事守漳州刺史柱國崔褒大德僧義中等姓名鐫書結法道勳有晉人風致漳南金石刻文此爲其冠塔宇歲久侵蝕鄭格思懷愧披尋得之詫爲奇異郡人遂摹揭盛行格思詩古塔畱文寄福庭護持神物有山靈憑陵風雨苦仍綠寥落輪翰草自青千載龜文開斷碣諸天龍象捧遺經海濱側理秋須黃莫遣禪扉夜不扃

九層塔 淳祐志云諸州州城左右前後皆有浮屠塔爲文筆峰本州對峰低平昔人嘗建九層塔於郡城西南塔久廢陰陽家謂宜於名第山阜數塔以聳觀瞻萬曆志云淳祐志謂郡西白塔山係郡來脈不宜置漏澤園西市曹不宜刑人今其言信矣惟建塔事經數百載未有舉者文山北麓虹飲長川當郡城之巽維若建文塔於此似力省而功倍而圭嶼爲東海門戶初年建塔其上以固風氣甚有深意姑俟其人可也按此論有闕形勝存之

普賢院墨跡 南唐保大十六年南番三佛齊國鐵國李將軍以香貨詣本州買錢架造普賢院親寫於法堂梁上元祐七年僧善麟撰記云自初建此院至元祐壬申一百九十有五期當時所建因緣與數悉將軍親筆影堂前一梁墨

跡宛然無能知者朝賢貴士觀者病其高仰必取梁而下善麟謹舉其書以俟解者

天慶觀道藏 在本觀玉皇殿之東前有瓊章寶閣左爲魁星祠右爲北斗祠端平乙未顏檢正著仲侍郎願仲捐錢營建既成遣人詣福州九仙觀依道藏經典摹寫而皮藏焉共爲函五百六十有四鄉人立二公祠於藏之右

諸院御書 淳祐志載開元崇福所藏宋帝御書共二百四十卷軸俱有標識經兵燹散逸無存但記其目以備遺忘淨衆寺一百二十卷軸內有太宗皇帝御書逍遙味青龍阮琴歌皇宋版依儀文俱八分書聖教序雙鈎書帝釋字顯草書仁宗皇帝賜鈔空長老佛天龍神字二軸梵書賜僧端式回山歌稱頌前後共十章俱飛白書開元寺一百二十卷俱太宗皇帝御書經懺八分雙鈎飛白各不等仁宗皇帝篆書明堂二字又飛白書明堂之門四大字又淨衆寺紫芝草一木匣計一十一本太宗所賜今俱無存

金銅佛像 崇寧甲申詔天下建萬壽禪寺本州營寺基於正殿上掘土一丈得金銅無量壽佛一軀形製精妙郡守以聞俾繪像以進倅石亞屬鄭昂爲記

開元景祐鐘 款識云當寺洪鐘一口唐大曆十三年所鑄已二百五十六載爰自明道元年壬申太歲已經蝕壞收萃元銅州府開奏於朝廷三司牒准於勅命許重鑄造丁丑告厥功爾

乃高八尺三寸廣五尺洪梁將挂於蒲半擊朴上查於帝祚勝緣將復用紀年華時景祐四年丁丑歲三月甲辰朔十五日戊子謹題後紀太守方慎從等姓名鐘懸巍樓其下爲大慈閣扁日餘音有聯云華構梯雲霄漢星辰可摘蒲半杵月霞城鼓角相催自宋景祐重鑄至今康熙癸巳相距六百九十八年

銅壺 明洪武三十三年知府錢古訓置銅壺漏箭於陰陽學以正時刻謹樓更鼓視以爲節歲久殘闕正德七年知府陳洪謀修完之銘云緊爾壺惟爾造方圓爾形殊蘊奧涵天地動靜之機運氣數盈虛之妙噫斯爲敬授人時之要光孝寺佛牙 李大方隨父防禦西全有信州懷玉山行者攜一佛牙可三寸許舍利生五色光以錢三萬酬之丞相張商英爲之贊後歸自西全即光孝寺建塔藏之

宋製佛光屏 在淨衆寺內今存

漳浦縣

故漳州城 唐嗣聖初置州於漳浦縣南八十里即今雲霄地按舊志元光開屯於漳水之北後卽屯所爲州又云初建於梁山之下名雲霄其南漳水出焉所謂漳水當指今雲霄自西林出者雲霄在水南不宜稱漳水之北想記者偶誤也

廢懷恩縣 通志唐嗣聖間置在漳浦西南六都距縣二百里按杜氏通典漳浦郡西南到懷恩縣一百里通志誤也開元末縣廢爲鎮入漳

浦即今雲霄相傳鎮民掘地得石劍懷恩縣二字其石猶存此爲故城矣

蒲葵關 在漳浦縣西南四十里即盤陀嶺漢時南越故關也漢元鼎五年漢擊南越東越王餘善以兵從至揭陽以海風波爲解持兩端及漢破番禺遂引兵還擊之唐大中十二載嶺南節度使楊發大漳浦寓止驛樓聞李衛公德裕雷題尋訪久之乃得本於士人家飭驛吏重扁其詩因和之時常觀察袁亦有和詩惜無考

越王城 卽建德城在縣太武山有石城相傳越王建德避兵於此故殿基尚存按漢元鼎五年將軍路博德等征南越南越王建德與其相呂嘉夜亡入海蔡如松十辨謂建德在南越不在東粵其城守在番禺而不在閩然南越爲漢兵所據逃入海上飄搖入閩理固有之不足疑也淳祐志謂秦討建德似誤

建德屯 漢閩越王建德屯兵於此故名

灣腰樹 在鎮內水頭山前爲郡東海澄居中衝要之地戊午己未之間官軍屢戰於此左右皆故營壘蹟以道旁有古樹灣腰故名

良山書堂 在縣良山下一作良山書院唐潘存實讀書於此後舉賢良因以名或作梁山非是

絃歌堂 在縣治東宋元符元年建慶元元年令葉才老重建其子祐爲記

七賢堂 卽仙峯巖也在六都仙人山下七賢者宋陳景肅翁待舉吳大成楊仕謹仕訓鄭柔

薛京也

陳將軍廬 在雲霄六都之半徑元光既葬祖

父母而自結廬墓側承重守制三年有題石詩

云竹符忠介陳桐杖孝思妻時稱為半徑將軍

陳將軍燕翼宮 在雲霄陳元光宅也落成詩

云笠宅龍鍾地承恩燕翼宮即此也

高東溪書室 在梁山之白石菴宋高登讀書

於此手植松柏尚有存者布衣張士楷詩云東

溪讀易幽棲處止在梁山白石菴菴前多產木

芙蓉蔡衍銳詩云逐臣蹤跡此遨遊百里芙蓉

木末秋

高東溪宅 在杜潯新堡角獸山下一峯獨秀

梁嶽羅其前潯海匯其後即先生獲鹿處也

吳奉議書室 在梁山之下陳氏曰奉議郎漳

浦吳與可權家藏文籍閭中不經兵火故多完

具然地濕苦蠹損鄭樵曰古之書籍有上代所

無而今出於民間者古文尚書音唐宋並無今

出於漳州之吳氏其書目自算術一家有數種

又師春二卷甘氏星經二卷漢官典義十卷京

房易鈔一卷今世所傳俱出吳氏皆三館四庫

所無也

悟道精舍 在大帽山腰宋進士蔡逢甲避元

隱居於此逢甲沒生徒塑像祀之今稱悟道巖

巖前有石壁十餘丈

桃溪精舍 在東莊洞口宋郡丞建安吳紹祖

碑刻李唐橋三大字其下明侍郎盧維祺讀書

於此

北山別業 在縣北郊里許明黃道周廬墓處

一名石養山阿中有浩然堂十朋軒九申閣饒

水石之勝今廢

講樓 在縣署之大門宋時建前有二亭左曰

宣詔右曰頌春明洪武間知縣張理重建成化

間知縣劉璧修

望高樓 在鎮海衛明洪武初年江夏侯周德

興相地築城起樓於東北隅以望海島故名

淨涼閣 在縣治西偏有池亭扁曰水閣宋嘉

定縣令歐廣改今名後令趙師緝又名曰風露

香今廢

遺愛亭 在印石山古識所云鳳凰街印鎮山

頭者即此宋令傅希龍建後人號為遺愛亭石

壁屹立松濤交響後人詩云碧嶂平高玉印橫

松風十里響鐘鐃有時一枕驚殘夢疑是洪濤

半夜生

湖心亭 在西門外宋嘉定八年乙亥令趙師

緝開湖而建亭其中明年登薦者八人故曰湖

澤儲英明黃石齋雙溪碑記云石齋之漲納於

西湖當秋色晴明洪澄澄碧含遠山映近堞近

邑一勝觀也孝廉蔡大壯詩云山色入春靑近

堞湖光含月碧連天

美報亭 在東門外宋令歐廣因鑿放生池構

亭其上頗得豁山之勝

連龍亭 在縣東十里宋封川守黃克寬建扁

曰連龍明司徒蔡一楠在此修業有詩云巍立

溪南百丈高聲名久已在連龍

白鶴嶺亭 在羅山南林弼詩序云漳南白鶴

嶺山木清廓惜其亭宇蕪廢今秋重過此見金

碧相射華竹交映壁間題曰石寶泉響玉微

開雲出岫繞松扉一從白鶴高飛去栖壁亭空

鎖翠微又李若瑛詩云鶴嶺雲歸月在空蕭蕭

林暮響秋風係邑簿陳致中所建今廢按林弼

元進士明初為登州守所紀邑簿陳致中府縣

志秩官俱無其名不敢定其為元末為明初未

便修入附識於此

龍亭 在梁山之龍潭上明崇禎丙子大旱知

縣余日新祈雨於此須臾有黑氣自潭中起大

雨隨至四郊沾足因構亭以旌之

千秋臺 在西北城上順治間總兵楊捷建康

熙三十三年浦人以形家言臺於縣城不利知

縣朱自陞通詳拆卸

丹竈 在七都竈山晉葛洪鍊丹處是地多產

石蘭黃精先輩有詩云竈冷烟寒雪滿山葛洪

歸去有餘丹於今此地多芳草處處花開玉鈴

蘭石刻今存明張若化與弟若仲隱居於此題

山上巨石曰一望滄江

梅塢 即竈山之麓古有大王山人者不知何

代人隱居於此名氏無考石壁上鐫字尚存

尋仙跡 在六都之半徑陳將軍元光尋真處

有詩云半徑尋仙跡危峰望帝州

海屋 在縣東二十里舊鎮巨石散江構亭其

上左倚石壁右峙石門海潮時至舟航飛迅曉

色初暎浮光萬頃亦瀛海一奇觀也邑人劉少